



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiæ Imperialis S. Maximini

Zyllesius, Nicolaus

Treveris, 1638

§ 2. Corollaria è prædictis inferuntur.

urn:nbn:de:hbz:466:1-14268

Oblatoque libello rem adeo exaggerari iussit, allegata pacis publicæ rupturâ, & similibus, ut Matthias Imperator Mandatum pœnale sine clausula iustificatoria decreuerit, quo sub graui pœnâ Abbas eiusque subditi iubebantur, sine dilatione & vltiori oppositione, collectas sue Contributiones ab aliquot annis cessas & debitas soluere, Archiepiscopum in suâ prætensâ & allegata possessione non turbare, & prout in ipso Mandato, quod sub Numero 85. exhibetur, est videre, quod tamen in libello sub lit. M. mala fide allegatur, quibusdam in fine adiectis, alijs omissis, ut conferenti vtramque apparebit.

Et quia in fine Mandati adiecta fuit citatio, qua vtraque pars ad causam coram Consilio Aulico Cæsareo agendam super pœnæ appositæ reatu alijs que peregrinorè euocabatur, Abbas ad dictum diem comparuit, exceptio-nes suas proposuit, iura Monasterij sui quæ prima parte deduxi, aliaque allegauit, facti sui rationem reddidit, quibus etiam Archiepiscopus per suas Replicas ac Triplicas occurrere est conatus, omniaque pro suo, quæ aut potuit, aut voluit obiecit; iussus etiam est speciali Iudicis suprensi decreto, omnia cause suæ firmamenta ad certam diem, si quæ vltra haberet, proferre, & lite per tredecim annos maximâ contentione vtrumque actâ, tandem lata est sententia Anno M D C X X V I. tertia Augusti, quæ sub Numero 85. exhibetur, qua præfatum Mandatum sine clausula cassatur, & annulatur, Abbas immediatus Imperij status iudicatur, Archiepiscopus ut à prætensis contributionibus imposterum abstineat, condemnatur.

§. 2. Corollaria è prædictis inferuntur.

EX ijs quæ retuli & verissima sunt, hæc clarè sequuntur.
Primò, si qua olim Archiepiscopi subiectis illata fuerunt incommoda per Protectorem & Aduocatum supremum Monasterij, eius omnem causam & culpam ferre debere illos Archiepiscopi Ministros, qui viam facti primi auspicati sunt, neque iuri aut æquitati locum esse voluerunt; illos vtique viatæ pacis publicæ & Imperij Constitutionum reos esse.

Secundò, responso dignum non esse, quod auctor libelli audet dicere, Maximianos fictitias ac falsas exceptiones, priuilegiaque per dolos, fallacias, mendacia & corruptiones obtenta &c. produxisse. Nam cur illa non fuerunt probata & demonstrata apud Consilium Aulicum? An virti illi Maximi, falsitates & mendacia non poterunt deprehendere? Nonne ista gravis est iniuria in supremum illud S. Rom. Imperij Consilium contorta, quod dicatur fictitijs falsisque exceptionibus tantum detulisse?

Immo, nonne contrarium omnino sequitur narrata nimisrum, quibus Mandatum illud sine clausula exprædictatum fuit, istiusmodi fictitijs falsisque fuisse conferta? Nam quare illud à Cæsareo Consilio fuit cassatum & annulatum?

In Imperio vsu receptum testatur Gaius, libr. 1. obseruat. 14. numero 2.4. mandatum sine clausulâ cassari, si probetur sub & obreptitium. Tale autem esse, si ipsa narrata sint falsa; æquum enim esse ut careat mendax precator impetratis. Text. ca. Sedes de rescriptis. Et in mandatis eiusmodi perinde atque in alijs rescriptis solemnem semper contineri clausulam, si preces veritate

nitam

nitantur, cap. ex parte, de rescriptis. D.D. in cap. super literis eodem. l. uniuersa C. de rescript.

Cum igitur mandatum illud per sententiam sit cassatum, sequitur eius narrata fuisse falsa.

Quanquam hic non opus est ad consequentiam iuris recurrere, ex ijs enim, quæ hactenus exposuimus, & ex ipsa facti positæ veritate, constat ea quæ in mandato illo narratiæ initio deducuntur esse omnino falsa.

Nimirum falsum esse Abbatem S. Maximini esse Prælatum Treurensem siue Archiepiscopi subditum æquè ac alios Archidiœcœlos Prælatos, quod Abbas confessus fuerit illam subjectionem, quod subditi illius Archiepiscopo, tanquam territorij Principi iurârint; quod per sententiam Spirensim de Anno M D L X X. idem Abbas Archiepiscopo, ut Principi ac Domino suo fuerit adiudicatus, quod condemnatus ipsi soluere collectas, quod Archiepiscopo petierit ita subiici & adiudicari, quod Archiepiscopo soluerit semper collectas; quod implorando auxilium Protectoris siue Aduocati sui, pacem publicam violârit, & alia id genus plura, quæ in dicto mandato referuntur, quorum relatione Cæsar ad illud decernendum motus fuit.

Tertiò iniuriam graviem memoriarum Reineri Abbatis inferri, dum iuramenti violator & periusus dicitur ab auctore libelli, si enim vñquam tale, quale in libello sublit. H. numer. 1. refertur iuramentum præstitum Reinerus, id omnino per errorem & deceptionem fecit, ratus se iurare Cæsari & Imperio eodem tenore & formula, qua Prædecessores eius omnes Abbates iurassent; ac proinde ubi primùm obseruare & deprehendere potuit ex inde, quid in prædictum Monasterij prætendi aut practicari possit, meritò professus est se non intendere nec intendisse vñquam Archiepiscopo eiusque Diœcesi per iuramentum sese obstringere, sed soli Cæsari & Imperio, quemadmodum maiores sui S. Maximini Abbates fecissent.

Quod tu iam periurium in hoc facto depræhendis scriptor? Nonne si Reinerus alteri, quam Cæsari Domino suo iurasset, in eoque iuramento perfidisset, periusus potius & in Monasterium suum iniurius & impius fuisse?

Verum illud hic ego à te exquirō, quomodo excusare possis factum illius, qui ausus fuit priuata authoritate, immutare tam notabiliter iuramentum, quod Vasallus Imperij Abbas Sancti Maximini Imperatori & Imperio semper fuit solitus præstare, ita ut Archiepiscopum loco Imperatoris, Archidiœcœsin loco Imperij, substituerit, & Vasallum hac ratione Imperio subtrahere & alteri asserere sit conatus? Quomodo eiusmodi clancularia & priuata authoritate facta, cum iuramento fidelitatis, quo Electores S. Rom. Imperio obstricti sunt, possint consistere?

Et similem proponere possem quæstionem de iuramento ab Abbatे in benedictione S. Sedi Apostolicæ præstito, quod perinde libelli auctor immutare conatus est, vti superius est ostensum. An tale factum non repugnet iuramento, quo Archiepiscopi S. Sedi Apostolicæ obstringuntur?

—9(0)5—